

逸周書補注

逸周書卷六

晉孔晁注

江都陳逢衡補注

文傳解第二十五

此篇引用夏箴閔望兢兢以積聚爲務蓋深有鑒於

大荒也無逸曰文王卑服卽康功田功徽柔懿恭懷

保小民惠鮮鰥寡於此益信

文王受命之九年時維暮春

盧文弨曰今本詩正義作維暮之春

在鄘召太

子發曰吾語汝所保所守守之哉

玉海三十一引無守之哉三字

厚德廣

惠忠信愛人君子之行

盧本召太子發曰下作我身老矣吾語汝我所保與我所守傳之子

孫吾厚德而廣惠忠信而忘愛人君之行今仍從舊本案
篇首至下文土不失宜諸書引用不同今並附錄於此藝
文類聚卷十二引周書曰文王在鎬召太子發曰我身老
矣吾語汝我所保與我所守傳之子孫吾厚德而廣惠不
爲泰靡童牛不服童馬不馳土不失其宜萬物不失其性
天下不失其時以成萬材萬材已成牧以爲人天下利之
而勿德是謂大仁虞文弨曰萬物不失其性以下今多見
大聚解中衡案藝文蓋截取文傳又截大聚數語以成文
也御覽八十四引周書曰文王在鎬召太子發曰嗚呼我
身老矣吾語汝我所保與我所守傳之子孫吾厚德而廣
惠忠信而忘愛吾不驕侈不爲泰靡不淫於美吾括柱而
茅茨吾爲民愛費也春夏育山林不升斤斧以成草木之
長而慎天時水澤不內舟楫以成魚鼈之長不麝不卵以
成鳥獸之長敗獵唯時不殺童牛不天胎童牛不服童馬
不馳不騖澤不行害土不失其宜萬物不失其性天下不
失其時又一百四十六引周書曰文王受命九年時惟暮
春在鄘召太子發曰嗚呼吾語汝所保所守守之哉厚德
廣惠志愛人君之行不爲驕侈不爲泰靡不淫於美括柱

茅茨爲
民愛費

孔注四者君德

補注案竹書紀年受辛三十三年王錫命西伯得專
征伐沈約曰蓋得專征伐受命自此年始其九年則
受辛四十一年也劉恕通鑑外紀曰孔安國治古學
見武成篇故秦誓傳曰周自虞芮質厥成諸侯並附
以爲受命之年至九年文王卒劉歆作三統厯考上
世帝王以爲文王受命九年而崩賈逵馬融王肅韋
昭皆同歆說皇甫謐帝王世紀云文王卽位四十二

年歲在鶉火更爲受命之元年始稱王矣引周書文
傳解曰文王受命九年時維暮春在鎬召太子發九
年猶召太子明七年未崩也衡校文王卽崩於是年
故召武王而語以所保所守之道下篇柔武卽爲武
王元祀篇次井然鄘鎬京也豐鎬相去二十五里
不爲驕侈不爲泰靡不淫於美括桂茅茨爲民愛費

孔注言務儉也因就本枚曰括

盧文弨曰括與刮楹之刮同御覽杜卽作

楹注木枚俗本誤作
不決亦從御覽改

補注不爲驕侈三句卽商湯不邇不殖之義括桂不

雕也茅茨不翦也凌曙曰按呂氏春秋明堂茅茨蒿
柱土墍三等以見節儉又大戴禮盛德篇周時德澤
協和蒿茂大以爲宮柱然則括柱其蒿柱歟

山林非時不升斤斧以成草木之長川澤非時不入網罟

以成魚鼈之長不麝不卵以成鳥獸之長

長俱上聲盧文
昭曰說文引云

不卵不誤以成鳥獸
云異者履獸足也

畋漁以時童不天胎馬不馳騫土不

失宜

童字當在不天胎下謂童馬不
馳騫也御覽引童馬不馳不騫

孔注言土地所宜悉長之

補注禮王制獺祭魚然後漁人入澤梁豺祭獸然後

畋獵鳩化爲鷹然後設罝羅草木零落然後入山林
昆蟲未蟄不以火田不麝不卵不殺胎不殀天不覆
巢卽此意

土可犯材可蓄潤溼不穀樹之竹葦莞蒲礫石不可穀樹
之葛木以爲絺絺以爲材用

孔注所爲土不失宜

盧文弨曰所
爲疑是所謂

補注犯抵觸謂饋與其主脈也爾雅東南之美者有
會稽之竹箭禹貢揚州貢篠簜荊州貢篋簞是潤溼
宜竹之證葦蒲葦也幼曰葦葭長曰萑葦江灘海岸

多有之爾雅莞苻蘿注今西方人呼蒲爲莞蒲江東
謂之苻蘿以其叢生水中故俱宜潤溼礫石土中有
細石者管子輕重所謂山間嶮嶮不爲用之壤戰國
韓策所謂石溜之地也葛性柔韌蔓生可織爲布精
曰絺粗曰絺盧文弼曰絺絺謂葛也材用謂木也
故凡土地之闢者聖人裁之並爲民利是以
以字舊缺從盧說補魚鼈歸其泉鳥歸其林

孔注取之以時不天胎故

補注閒讀如閒田之閒土地之閒卽王制所謂名山

大澤不以封也注云不以封者與民同財不得障管
聖人裁之如上文所云是已歸泉歸林繁育得所之

象

孤寡辛苦咸賴其生

孔注得所生長材用

補注謂以閭閻養閭民也孤寡辛苦皆無力耕作之
人故賴有閭田之利得以養贍

山以遂其材工匠以爲其器百物以平其利商賈以通其
貨

孔注無二德也

四字疑下文出一日神明下注

補注山以遂其材不槎藥也工匠以爲其器無棄材也百工以平其利通工易事以羨補不足也商賈以通其貨無者使有利者使阜也
工不失其務農不失其時是謂和德

孔注和故不失

補注工不失其務則器用備農不失其時則黍稷豐和德謂羣居和一也

土多民少非其土也土少人多非其人也是故土多發政

以漕四方四方流之

孔注漕轉流歸言移內人也

人盧本作入衡案人字不訛內音納移下當脫

粟字言移粟內人也或曰內人二字蓋粟字之誤

補注言地廣民稀則耕獲不及而土非其土矣地狹民衆則民食不足而人非其人矣管子霸言曰地大而不爲命曰土滿人衆而不理命曰人滿地大而不耕非其地也人衆而不親非其人也義本此發政以漕四方謂輸粟也四方流之民來歸附如流水也民歸則人衆而土闕如是則土多之患免

士少安帑而外其務方輸

孔注外設業而四民方輸穀

盧文弨曰當作外設業民而四方輸穀衡案此

說亦未明暢

補注帑妻子也安帑謂安妻子於家外謂出賈於外
務事也方旁也輸聚也取資於外以養其民如是則
士少之患免

夏箴曰中不容利民乃外次

孔注夏禹之箴戒書也利福業次舍於田

盧文弨曰舊脫利福

二字又次舍二字創今據玉海增正之

補注中謂國中地小則生息薄故不容利外次謂逐末於外蓋引以證安帑而外之義

闕望曰土廣無守可襲伐土狹無食可圍竭二禍之來不

稱之災

稱去聲盧文弨曰潛夫論實邊篇引周書曰土多人少莫出其材是謂虛土可襲伐也土少人衆民

非其民可遺竭也是故土地人民必相稱也遺竭疑是匱竭之誤衡案潛夫論蓋抄襲周書成文非文傳本文如此莫出其材謂不發政以漕四方

孔注開望古書名也政以人土相稱爲善也

補注土廣而不招集則無守土挾而不出賈則無食不稱謂土多民少土少民多也

天有四殃水旱饑荒其至無時非務積聚何以備之

御覽三十

五引同

孔注積財用聚穀蔬

補注易曰天地之大德曰生聖人之大寶曰位何以守位曰仁何以聚民曰財故積聚者生民之大命也

夏箴曰小人無兼年之食遇天饑妻子非其有也大夫無

兼年之食遇天饑臣妾與馬非其有也國無兼年之食遇

天饑百姓非其有也

盧文弨曰墨子七患篇引周書曰國無三年之食者國非其國也家無三

年之食者子非其子也胡廣百官箴敘曰墨子著書稱夏箴之辭卽謂此也衡案文選王融策秀才文注引周書夏

箴曰小人無兼年之食妻子非其妻子也又御覽三十五引夏歸藏曰土無兼年之食遇天饑妻子非其妻子也大
夫無兼年之食遇天饑與馬臣妾非其有也國無兼年之
食遇天饑百姓非其有也戒之哉蓋誤以夏箴爲歸藏然
大夫下多國無兼年之食一條玉海引亦有之今據補

孔注古者國家三年耕必有一年之儲非其有言流

亡也

耕字舊脫
據玉海補

補注古人懼天災如此方正學指此篇爲言利之書

其旨矣

戒之哉弗思弗行至無日矣

孔注言不遠也

補注弗思謂不知天災弗行謂不務積聚至謂禍至
不明開塞禁舍者其如天下何

補注開謂開其源塞謂塞其流禁謂裁其太過舍施
也施謂補所不及管子地數曰昔者桀霸有天下而
用不足湯有七十里之薄而用有餘天非獨爲湯雨
粟菽而地非獨爲湯出財物也伊尹善通移輕重開
闔決塞通於高下徐疾之策坐起之費也按開闔決
塞與開塞禁舍義同又尉繚子兵談篇明乎禁舍開
塞淮南本經訓明於禁舍開閉之道鹽鐵論非鞅篇

昔商君明於開塞之術皆本此文選王融策秀才文
開塞所宜注引淮南子曰通乎動靜之機明乎開塞
之節開塞猶取捨也尹文子曰書開塞之宜得周通
之路

人各修其學而尊其名聖人制之

孔注制而業用

補注各修其學謂各務其業也尊其名各執一藝以
成名也聖人制之曲成不遺也

故諸橫生盡以養從生

生字舊脫從謝說補

從生盡以養一丈夫